

第二三五册

明倫彙編

皇極典

帝號部

登極部

(卷)

一五二—一五四

一五五—一五八

古今圖書集成

中華書局影印



古今圖書集成

中華書局影印

欽定古今圖書集成明倫彙編皇極典

第一百七十二卷目錄

帝號部彙考一

上古 太昊伏羲氏一則 女媧氏一則 炎帝
金天氏一則 顓頊高陽氏一則 帝嚳高辛

陶唐氏 帝堯一則

有虞氏 帝舜一則

夏后氏 總一則

商 總一則

周 總一則

秦 始皇帝一則

漢 高帝一則 哀帝建平一則

北魏 前廣帝普泰一則

北周 閔帝一則

唐 太宗貞觀一則 中宗開元二則 神龍一則
則 肅宗乾元二則 上元一則 代宗廣德
則 德宗建中一則 興元一則 貞元二則
則 順宗永貞一則 憲宗元和三則 穆宗
長慶二則 武宗會昌一則 宣宗太和二則
則 懿宗咸通二則 僖宗乾符一則 光祿
一則 昭宗大順一則

後梁 太祖開平一則

後唐 莊宗同光一則 明宗長興二則

後晉 高祖天福一則

後周 太祖顯德一則

遼 太祖一則 神宗一則 太宗天顯一則
則 景宗保寧一則 乾亨一則 聖宗統和
則 開泰一則 太平一則 興宗重熙三
則 道宗清寧一則 咸雍一則 天祚帝乾

皇極典第一百七十二卷

帝號部彙考一

上古

太昊伏羲氏

按易經繫辭古者包犧氏之王天下也仰則觀象於天俯則觀察於地觀鳥獸之文與地之宜近取諸身遠取諸物於是始作八卦以通神明之德以類萬物之情

按史記補三皇本紀太皞庖犧氏始制嫁娶以儷皮爲禮結網罟以教佃漁故曰宓犧氏養犧牲以充庖廚故曰庖犧有龍瑞以龍紀官號曰龍師木德王注春令故易稱帝出乎震月令孟春其帝太皞是也

按漢書律歷志太昊帝易曰庖犧氏之王天下也言炮犧繼天而王爲百王先首德始於木故爲帝太昊作網罟以田漁取犧牲故天下號曰庖犧氏

按白虎通古之時未有三綱六紀民人但知其母不知其父能覆前而不能覆後臥之誅誌起之吁吁饑即求食飽即棄餘茹毛飲血而衣皮革于是伏羲仰觀象於天俯察法於地因夫婦正五行始定人道畫八卦以治天下天下伏而化之故謂之伏羲

按風俗通伏羲禮含文嘉記處戲伏者別也變也戲者獻也法也伏羲始別八卦以變化天下天下法則咸服貢獻故曰伏羲

按拾遺記春皇者庖犧之別號庖者包也言包含萬象以犧牲登薦于百神民伏其聖故曰庖犧亦謂伏羲變混沌之質文宓其教故曰宓犧布至德於天下

元元之類莫不尊焉以木德稱王故曰春皇其明獻照於八區是謂太昊昊者明也位居東方叶於木德其音附角號曰木皇

按鄭樵通志三皇紀太昊伏羲氏亦曰皇雄氏亦曰天皇伏亦作慮犧亦作戲亦作義或言象日月之明故曰太昊伏制犧牛故曰伏羲

按路史太昊伏羲氏方牙一曰蒼牙肇修文教爲百王典以其載德自木木實麗東道不可尚同乎元氣是稱太昊得乎中央別而能全指而有成因號伏羲自有句而應世故又曰有句氏

按史記補三皇本紀女媧氏代宓犧立號曰女希氏按路史女皇氏炮犧一曰女希太昊氏衰共工惟始作亂振滔洪水以禍天下人不堪命於是女皇氏役其神力以與共工氏較滅共工氏而遷之萬民復生炮犧乃立號曰女皇氏

炎帝神農氏

按史記補三皇本紀炎帝神農氏火德王故曰炎帝始教耕故號神農氏神農本起烈山故左氏稱烈山氏之子曰柱亦曰厲山氏禮曰厲山氏之有天下是也

按白虎通古之人民皆食禽獸肉至於神農人民衆多禽獸不足於是神農因天之時分地之利制耒耜教民農作神而化之使民宜之故謂之神農

按風俗通神農神者信也農者濃也始作耒耜教民耕種美其衣食德濃厚若神故爲神農

按鄭樵通志三皇紀炎帝神農氏亦曰連山氏亦曰伊耆氏亦曰大庭氏亦曰魁隗氏亦曰人皇黃帝有熊氏

按史記五帝本紀黃帝者少典之子姓公孫名曰軒轅有土德之瑞故號黃帝居軒轅之丘

索隱曰按有土德之瑞土色黃故稱黃帝猶神農火德王而稱炎帝然也號有熊者以其本是有熊國君之子故也都軒轅之丘因以爲名又以爲號又據左傳亦號帝鴻氏也張晏曰作軒冕之服故謂之軒轅

按白虎通黃帝中和之色自然之性萬世不易黃帝始作制度得其中和萬世常有故稱黃帝

按風俗通黃帝始制冠冕垂衣裳上棟下宇以避風雨禮文法度典事創業黃者光也厚也中和之色德四季與地同功故先黃以別之也

按鄭樵通志三皇紀黃帝軒轅氏亦曰地皇亦曰有熊氏亦曰帝鴻氏亦曰歸藏氏或言有軒冕之服故曰軒轅作都於有熊故曰有熊少昊金天氏

按史記五帝本紀嫫祖爲黃帝正妃生二子其後皆有天下其一曰元囂是爲青陽青陽降居江水

索隱曰元囂帝嚳之祖按皇甫謐及宋衷皆云元囂青陽皆少昊也今此紀下云元囂不得在帝位則太史公意青陽非少昊明矣而此又云元囂是爲青陽當是誤也謂二人皆黃帝子並列其名所以前史因誤以元囂青陽爲一人耳宋衷又云元囂青陽是爲少昊繼黃帝立者而史不敘蓋少

昊金德王非五運之次故敘五帝不數之也

按拾遺記皇娥生少昊號曰窮桑氏亦曰桑丘氏少昊以主西方一號金天氏亦曰金窮氏時有五鳳隨方之色集於帝庭因曰鳳鳥氏

按劉恕外紀少昊金天氏黃帝之子元囂也黃帝之世降居江水邑於窮桑故號窮桑氏國於青陽因號青陽氏以金德王天下遂號金天氏能修太昊之法故號少昊

顧頊高陽氏按史記五帝本紀帝顓頊高陽者黃帝之孫昌意之子也

索隱曰宋衷云顓頊名高陽有天下號也張晏曰高陽者所興地名也

按白虎通謂之顓頊者何顓者專也項者正也能專正天之道故謂之顓頊

按風俗通顓頊顓者專也項者信也言其承易文之以質使天下蒙化皆貴貞慤也

按劉恕外紀帝顓頊高陽氏年二十卽帝位初國高陽故號高陽氏

帝嚳高辛氏按史記五帝本紀帝嚳高辛者黃帝之曾孫也

張晏曰少昊之前天下之號象其德顓頊以後天下之號因其名高陽高辛皆所興之地名顓頊與嚳皆以字爲號上古質故也索隱曰宋衷曰高辛地名因以爲號嚳名也皇甫謐云帝嚳名叡也

按風俗通帝嚳嚳者考也成也言其考明法度醇美嚳然若酒之芬香也

按鄭樵通志五帝紀帝嚳高辛氏三十登帝位以其居於高辛故曰高辛氏

陶唐氏

帝堯陶唐氏

按史記五帝本紀帝堯者放勳

謚法曰翼善傳聖曰堯索隱曰堯謚也放勳名帝嚳之子姓伊祁氏案皇甫謐云堯初生時其母在三阿之南寄於伊長孺之家故從母所居爲姓正義曰徐廣云號陶唐帝王紀云堯都平陽於詩爲唐國

按漢書律歷志唐帝帝系曰帝嚳四妃陳豐生帝堯封于唐天下號曰陶唐氏

按白虎通謂之堯者何堯猶曉曉也至高之貌清妙高遠優遊博衍衆聖之主百王之長也

按風俗通帝堯堯者高也言其隆興煥炳最高明也有虞氏

帝舜有虞氏

按史記五帝本紀虞舜者名曰重華

謚法曰仁聖盛明曰舜索隱曰舜謚也皇甫謐云舜字都君正義曰尚書重華協于帝孔安國云華謂文德也言其光重合於堯又目重瞳子故曰重華也

按漢書律歷志虞帝帝系曰顓頊生窮蟬五世而生瞽叟瞽叟生帝舜虞虞之媯納堯嬪以天下天下號曰有虞氏

按白虎通謂之舜者何舜猶儔儔也言能推信堯道而行之

按風俗通帝舜舜者推也循也言其循堯緒也

夏后氏

夏后氏建國其天子皆稱帝按據五帝三王之說夏帝今從正史

按史記夏本紀夏禹名曰文命

注 諡法曰受禪成功曰禹索隱曰尚書云文命敷

于四海孔安國云外布文德敎命不云是禹名太

史公皆以放勳重華文命爲名孔又云虞氏舜名

則堯舜禹湯皆名矣蓋古質帝王之號皆以名後

代因其行追而爲諡其實禹是名

帝禹子帝啓帝啓子帝太康帝太康弟帝中康帝中

康子帝相帝相子帝少康帝少康子帝予子帝

槐帝槐子帝芒帝芒子帝泄帝泄子帝不降帝不降

弟帝扁帝扁子帝廛帝廛崩立帝不降之子帝孔甲

帝孔甲子帝皐帝皐子帝發帝發子帝履癸是爲桀

按漢書律歷志伯禹帝系曰顓頊五世而生鯀鯀生

禹虞舜嬪以天下天下號曰夏后氏

按風俗通禹者輔也輔續舜後庶續洪茂

商

商有天下天子皆稱帝

按史記殷本紀天乙立是爲成湯

注 張晏曰禹湯皆字也二王去唐虞之文從高陽

之質故夏殷之王皆以名爲號諡法曰除虐去殘

曰湯索隱曰湯名履書曰予小子履是也又稱天

乙者夏殷之禮生稱王死稱廟主皆以帝名記之

天亦帝也殷人尊湯故曰天乙

成湯子帝外丙帝外丙弟帝中壬帝中壬崩立太子

之子帝太甲帝太甲子帝沃丁帝沃丁弟帝太庚帝

太庚子帝小甲帝小甲弟帝雍己帝雍己弟帝太戊

帝太戊子帝仲丁帝仲丁弟帝外壬帝外壬崩帝河

直甲立帝河直甲子帝祖乙帝祖乙子帝祖辛帝祖

辛弟帝沃甲帝沃甲崩立沃甲兄祖辛之子帝祖丁

帝祖丁崩立帝沃甲之子帝南庚帝南庚崩立帝祖

丁之子帝陽甲帝陽甲弟帝盤庚帝盤庚弟帝小辛

帝小辛弟帝小乙帝小乙子帝武丁帝武丁子帝祖

庚帝祖庚弟祖甲是爲帝甲帝甲子帝廩辛帝廩辛

弟帝庚丁帝庚丁子帝武乙帝武乙子帝太丁帝太

丁子帝乙帝乙子帝辛天下謂之紂

按風俗通湯者攘也昌也言其攘除不軌改亳爲商

成就王道天下熾盛

周

周有天下天子始稱王

按史記殷本紀周武王爲天子其後世貶帝號號爲

王

注 索隱曰按夏殷天子亦皆稱帝代以德薄不及

五帝始貶帝號號之爲王故本紀皆帝而後總曰

三王也

按周本紀武王克殷武王子成王成王子康王康王

子昭王昭王子穆王穆王子共王共王子懿王懿王

崩共王弟辟方立是爲孝王孝王崩諸侯復立懿王

太子夷王夷王子厲王厲王子宣王宣王子幽王幽

王子平王平王崩太子洩蚤死立其子桓王桓王子

莊王莊王子釐王釐王子惠王惠王子襄王襄王子

頃王頃王子匡王匡王弟定王定王子簡王簡王子

靈王靈王子景王景王愛子朝欲立之會崩子丐之

黨與爭立國人立長子猛爲王子朝攻殺猛猛爲悼

王晉人攻子朝而立可是爲敬王敬王子元王元王

子定王定王子哀王哀王弟思王思王弟考王考王

子威烈王威烈王子安王安王子烈王烈王弟顯王

顯王子慎親王慎親王子赧王東西周分治

秦

始皇并天下議帝號始稱皇帝

按史記始皇帝本紀二十六年秦初并天下令丞相

御史曰異日韓王納地效璽請爲藩臣已而倍約與

趙魏合從時秦故與兵誅之擄其王寡人以爲善庶

幾息兵革趙王使其相李牧來約盟故歸其質子已

而倍盟反我太原故與兵誅之得其王趙公子嘉乃

自立爲代王故舉兵擊滅之魏王始約服入秦已而

與韓趙謀襲秦秦兵擊滅之魏王始約服入秦已而

已而畔約擊我南郡故發兵誅得其王遂定其荆地

燕王昏亂其太子丹乃陰令荊軻爲賊兵吏誅滅其

國齊王用后勝計絕秦使欲爲亂兵吏誅擄其王平

齊地寡人以眇眇之身與兵誅暴亂賴宗廟之靈六

王咸伏其辜天下大定今名號不更無以稱成功傳

後世其議帝號丞相綰御史大夫切廷尉斯等皆曰

昔者五帝地方千里其外侯服夷服諸侯或朝或不

天子不能制今陛下與義兵誅殘賊平定天下海內

爲郡縣法令由一統自上古以來未嘗有五帝所不

及臣等謹與博士議曰古有天皇有地皇有秦皇泰

皇最貴臣等昧死上尊號王爲秦皇帝命爲制令爲詔天子自稱曰朕王曰去泰著皇采上古帝位號號曰皇帝他如議制曰可追尊莊襄王爲太上皇制曰朕聞大古有號母諡中古有號死而以行爲諡如此則子議父臣議君也甚無謂朕弗取焉自今已來除諡法朕爲始皇帝後世以計數二世三世至千萬世傳之無窮

按漢書百官公卿表秦兼天下建皇帝之號

張晏曰五帝自以德不及三皇故自去其皇號

三皇又以德不及五帝自損稱王秦以德衰二行故稱之

漢

高帝五年楚地悉定諸侯王上皇帝尊號漢王即皇帝位

按漢書高帝本紀五年十二月圍項羽垓下灌嬰追斬羽東城楚地悉定春正月諸侯上疏曰楚王韓信韓王信淮南王英布梁王彭越越故衡山王吳芮趙王張敖燕王臧荼昧死再拜言大王陛下先時秦爲亡道天下誅之大王先得秦王定關中於天下功最多存亡定危救敗總絕自安萬民功盛德厚又加惠於諸侯王有功者使得立社稷地分已定而位號比僣亡上下之分大王功德之著於後世不宜昧死再拜上皇帝尊號漢王曰寡人聞帝者賢者有也虛言亡實之名非所取也今諸侯王皆推高寡人將何曰處之哉諸侯王皆曰大王起於細微滅亂秦威動海內又曰僻陋之地自漢中行威德誅不義立有功平定海內功臣皆受地食邑非私之也大王德施四海諸

侯王不足以道之居帝位甚實宜願大王以幸天下漢王曰諸侯王幸以爲便於天下之民則可矣於是諸侯王及太尉長安侯臣綰等三百人與博士稷嗣君叔孫通議擇良日二月甲午上尊號漢王即皇帝位於汜水之陽尊王后曰皇后太子曰皇太子追尊先嫗曰昭靈夫人

哀帝建平二年號陳聖劉太平皇帝尋除之

按漢書哀帝本紀建平二年六月待詔夏賀良等言赤精子之讖漢家歷運中衰當再受命宜改元易號詔曰漢興二百載歷數開元皇天降非材之祐漢國再受命之符朕之不德曷敢不通夫基事之元命必與天下自新其大赦天下以建平二年爲太初元年號曰陳聖劉太平皇帝漏刻以百二十爲度八月詔曰待詔夏賀良等建言改元易號增益漏刻可以永安國家朕過聽賀良等言冀爲海內獲福卒無嘉應皆違經背古不合時宜六月甲子制書非赦令也皆蠲之賀良等反道惑衆下有司皆伏辜按李尋傳初成帝時齊人甘忠可詐造天官歷包元太平經十二卷以言漢家逢天地之大終當更受命於天上帝使真人赤精子下教我此道忠可以教重平夏賀良容丘丁廣世東郡郭昌等中壘校尉劉向奏忠可假鬼神罔上惑衆下獄治服未斷病死賀良等坐挾學忠可書以不敬論後賀良等復私以相教哀帝初立司隸校尉解光亦以明經通災異得幸曰賀良等所挾忠可書事下奉車都尉劉歆以爲不合五經不可施行而李尋亦好之光曰前歆父向奏忠可下獄歆安肯通此道時郭昌爲長安令勸尋宜助賀良等

尋遂白賀良等皆待詔黃門數召見陳說漢歷中衰當更受命成帝不應天命故絕嗣今陛下久疾變異屢數天所以譴告人也宜急改元易號乃得延年益壽皇子生災異息矣得道不行咎殃且亡不有洪水將出災火且起滌盪民人哀帝久寢疾幾其有益遂從賀良等議於是制詔丞相御史蓋聞尚書五曰考終命言大運壹終更紀天元人元考文正理推歷定紀數如甲子也朕以眇身入繼大祖承天總百億子元元未有應天心之效卽位出入三年災變數降日月失度星辰錯謬高下貿易大異連仍盜賊並起朕甚懼焉戰戰兢兢唯恐陵夷惟漢興至今二百載歷紀開元皇天降非材之祐漢國再受命之符朕之不德曷敢不通夫受天之元命必與天下自新其大赦天下以建平二年爲太初元年號曰陳聖劉太平皇帝漏刻以百二十爲度布告天下使明知之後月餘上疾自若賀良等復欲妄變政事大臣爭以爲不可許賀良等奏言大臣皆不知天命宜退丞相御史以解光李尋輔政上以其言亡驗遂下賀良等吏而下詔曰朕獲保宗廟爲政不德變異屢仍恐懼戰栗未知所繇待詔賀良等建言改元易號增益漏刻可以永安國家朕信道不篤過聽其言幾爲百姓獲福卒無嘉應久旱爲災以問賀良等對當復改制度皆背經誼違聖制不合時宜夫過而不改是謂過矣六月甲子詔書非赦令也皆蠲除之賀良等反道惑衆姦態當窮竟皆下獄光祿勳平當光祿大夫毛莫如與御史中丞廷尉雜治當賀良等執左道亂朝政覆國家誣罔主上不道賀良等皆伏誅尋及解光滅

死一等徙敦煌郡

北魏

前廢帝普泰元年詔去皇稱帝

按魏書前廢帝本紀普泰元年二月己巳升太極前殿羣臣拜賀庚午詔曰朕以眇身臨王公之上夕惕祗懷若履冰谷賴七廟之靈百辟忠誠之舉庶免墜歿夫三皇稱皇五帝云帝三代稱王迭冲挹也自秦之末競爲皇帝忌負乘之深殃垂貪鄙於萬葉予今稱帝已爲褒矣可普告令知

北周

閔帝受魏禪號稱天王

按周書閔帝本紀魏恭帝三年十二月魏帝禪位於帝元年春正月辛丑即天王位柴燎告天

明帝武成元年改天王稱皇帝

按周書明帝本紀武成元年八月己亥改天王稱皇帝按崔猷傳世宗即位徵猷拜御正中大夫時依周禮稱天王猷以爲世有澆淳運有治亂故帝王以之沿革聖哲因時制宜今天子稱王不足以威天下請遵秦漢稱皇帝朝議從之

唐

太宗貞觀四年四月戊戌西北君長請上號爲天可汗

按唐書太宗本紀云云

中宗嗣聖五年太后加號聖母神皇

即武后垂拱四年

按唐書武后本紀垂拱四年五月庚申得寶圖於洛水乙亥加尊號爲聖母神皇

按通鑑綱目中宗嗣聖五年五月太后加號聖母神

皇武承嗣使人作瑞石文曰聖母臨人永昌帝業使人獻之曰獲之洛水太后喜命曰寶圖詔當拜洛受圖告謝於郊御明堂朝羣臣命諸州都督刺史宗戚並會神都先加尊號

嗣聖七年太后加尊號爲聖神皇帝

即武后天授元年

按唐書武后本紀天授元年九月乙酉加尊號曰聖神皇帝降皇帝爲皇嗣

嗣聖十年太后加尊號爲金輪聖神皇帝

即武后長壽二年

按唐書武后本紀不載按舊唐書武后本紀長壽二年九月上加金輪聖神皇帝

嗣聖十一年正月太后加尊號爲慈氏越古金輪聖神皇帝九月又加爲天冊金輪大聖皇帝

即武后證聖元年

按唐書武后本紀天冊萬歲元年正月辛巳加號慈氏越古金輪聖神皇帝改元證聖九月甲寅加號天冊金輪大聖皇帝

嗣聖十七年太后罷天冊金輪大聖號

即武后久視元年

按唐書武后本紀久視元年五月己酉朔日有蝕之癸丑大赦改元罷天冊金輪大聖號

神龍元年十一月戊寅上尊號曰應天皇帝

按唐書中宗本紀云云

景龍元年八月丙戌上尊號曰應天神龍皇帝

按唐書中宗本紀云云

元宗開元元年上尊號曰開元神武皇帝

按唐書元宗本紀開元元年十一月戊子羣臣上尊號曰開元神武皇帝

按冊府元龜先天二年

是年十二月十一日羣臣上表請加尊號爲開元神武皇帝曰臣聞元化不宰是

表請加尊號爲開元神武皇帝曰臣聞元化不宰是

有強名聖德彰聞必崇大號伏惟陛下首出千古體元獨斷掃氛祲於軒宮闡文明於宸極皇綱絕而復正神器危而重安聖達神祇功齊天地若無尊號臣下何稱易曰陰陽不測之謂神傳曰保大定功之謂武陛下斷大事於容易見成形於未兆故一著呈祥千里傳慶斯所謂不測也興王業於多難安生靈於反側故百神奉職四裔納貢斯可謂定功也故臣等敢上尊號曰開元神武皇帝伏惟從之手詔答曰朕觀上古之主唯稱帝王一字秦漢以來乃兼皇帝朕以薄德嗣守寶位乾乾惕厲懼不克勝豈自崇飾以招譴咎雖迫公卿之請終負平生之心所請加號甚無謂也羣臣宗子及僧道耆艾等數百人又抗表三上乃從之戊子行冊禮加尊號爲開元神武皇帝開元二十七年加上尊號曰開元聖文神武皇帝按唐書元宗本紀開元二十七年二月己巳上尊號曰開元聖文神武皇帝

按冊府元龜開元二十七年二月文武百官及僧道者臺上表請以聖文二字加尊號凡八表然後許之制曰夫執大象建皇極者必藉彝訓而受鴻名所以應乎天而順乎人也朕嗣守丕業二十七年受命之初既膺明號尚多祇懼已謂崇高而公卿宗子緇黃者艾披誠瀝懇詣闕上言僉以爲乃聖乃文祖宗大烈恭惟續服必在欽承顧以休名施於薄德抑而不許凡已十年爰追於今又陳入請上追奉先之義下稽從衆之言將從至公不可因拒以今日敬請大號曰開元聖文神武皇帝勉從典訓良增感懼惟新之號既不私於朕躬非常之澤宜普覃於率土大赦天

下

天寶元年加上尊號曰開元天寶聖文神武皇帝

按唐書元宗本紀天寶元年二月丁亥羣臣上尊號曰開元天寶聖文神武皇帝

按開府元龜天寶元年正月甲寅陳王府參軍田同秀上言元皇帝降見於丹鳳門之通衢告錫靈符尹喜故宅遣使發得之二月附元皇帝廟百僚加尊號爲開元天寶聖文神武皇帝

天寶七載加上尊號曰開元天寶聖文神武應道皇帝

按唐書元宗本紀天寶七載五月壬午羣臣上尊號曰開元天寶聖文神武應道皇帝

按開府元龜天寶七載五月壬申文武百僚以休祥累見上表請加尊號曰應道表再上固違不從甲戌又上表曰臣聞道之應也萬姓叶心德之至也百靈表貺是以帝王從天以受休命臣子奉主以薦尊名下載上爲至忠上納下爲大順伏惟陛下垂衣而端拱司契而乘時御辨而氣和提象而物覩臣等上稽儀極下考前訓旁求史氏明徵道書皆可以配至極之崇高建大號之美稱陛下宗師懸解俠五帝之常道恬愉自得陋三王之仁義同符典振古莫儔靈寶經曰大寶君者大洞之尊神玉皇之正氣陛下經高上之至理復帝先之淳源九炁生真二合成德殊休應道已契靈文景命揚符宿彰仙錄則知聖祖以大

道授陛下久矣當以應道答之荷人望洽而固違則群情抑而不副是以公卿宗子懇誠於內繡黃艾氈漉款於外宜蒙納許以昭介福伏惟陛下承上元

乃顧之意順普天翊戴之情伏以端午良辰萬壽來應昌圖與兩儀配永寶運與三景俱長欽若鴻名克彰厚慶幸陳大禮式茂元和臣等謹竭愚誠冒死請加尊號期於成遂以叶衆心帝手詔報曰禎祥者所以合天人鴻名者所以彰德業今封章繼至誠請甚勤敬膺神休允答人望宜依來請已卯有司告獻太清宮太廟庚辰告昊天上帝皇地祇太社太稷壬午公卿百辟奉冊上尊號曰開元天寶聖文神武應道皇帝御與慶殿受冊

天寶八載加上尊號曰開元天地大寶聖文神武應道皇帝

按唐書元宗本紀八載閏六月丙寅羣臣上尊號曰開元天地大寶聖文神武應道皇帝

按開府元龜八載六月太白山人李渾上言有神人言金星洞內有玉版石記聖皇福壽之符命御史中丞王鉉入仙遊谷求而獲之以獻帝御勤政樓受焉於是王公卿士道俗又請加尊號表三上不從乃詔曰朕欲使人述日用道遠親譽願行其心永守冲約未允來請宜識此懷丙辰文武百官禮部尚書崔翹等又上表曰臣聞上元成命錫禎祿以應期聖皇乘時受神開於典運是以啓殊祥於景福崇大號於至公伏惟陛下續重元之耿光嗣五聖之不緒大德倖於天地至化貫於陰陽感元道之尊運百辟之議三

冒闕下累陳洪名陛下猶以固讓爲心不以至公爲意臣等請以符瑞重敘明之日者五星如連珠兩曜如合璧慶雲蔚露疑天之貺也瑤英產於金匱元記開於玉洞神光見眞詰傳地之祥也固知天地以

鴻休報陛下陛下以至德通乾元允宜合符克配徽號伏奉乙卯詔書曰志存要妙理却虛名臣又聞之天不讓高地不辭大五帝法之而成象三王參之而比德先天地者道也聖祖已著於強名合天地者聖也陛下允膺於明稱式彰妙用豈曰虛名况禎祥咸通既著於彼靈應參會又符於此是以封章再獻而雲日重光徽號三陳而煙霄降澤天人交感影響必臻若然者陛下安得闕三才之大端抑萬姓之勤願違祖宗之賡命曠天地之符文臣等固陋猶知不可

况眞宗示慶祕簡呈文乘王氣於玉行擁神休於寶運伏願光臨大寶允答洪休常垂覆載之仁永保延長之曆天下幸甚帝手詔從之閏月丙寅親謁太清宮上聖祖元元皇帝爲大道元元皇帝及高祖太宗高宗中宗睿宗並加大聖丁卯羣臣奉上尊號曰開元天地大寶聖文神武應道皇帝御舍元殿受冊天寶十三載加上尊號曰開元天地大寶聖文神武應道孝德皇帝

按唐書元宗本紀十三載二月甲戌羣臣上尊號曰開元天地大寶聖文神武應道孝德皇帝

按開府元龜十二載十二月庚寅文武百官憲部尚書張均等上表請上尊號加孝德及改應爲證曰開元天地大寶聖文神武孝德證道皇帝凡三上表乃許之十三載二月甲戌御與慶殿受冊制曰王者事天明事地察修身慎行孝德彰矣故風化天下和睦興焉致敬宗廟祖考來格是則禮莫大於嚴享孝莫大於揚名有以通於神明廣於四海朕承天之道續聖之業欽若先訓惟懷永圖寶賚慈無爲而理自

南自北有截來威五敘事與家服仁孝四靈咸盛物
應純誠百寮公卿萬方夷夏僉奉元貺徵長發於真
源屢薦鴻名願昭彰於至德封章守闕於再於三加
以聖祖錫符元中啓迪天心垂裕榮光降臨敢不不
承固執冲讓乃展因心之義以弘推尊之典度上冊
禮齋肅思誠入室倏然敢忘於目出戶而聽庶幾有
聞揚美謚於無疆展永懷於罔極且敬從拜後禮既
尊先式副群心以允成義以今日敬膺典冊曰開元
天地大寶聖文神武證道孝德皇帝大號載崇祇若
增懼宜因布和之序式弘在宥之澤可大赦天下
肅宗乾元元年上皇天帝開帝號曰光天文武大聖
孝感皇帝

按唐書肅宗本紀乾元元年正月戊寅上皇天帝御
宣政殿授皇帝傳國受命寶符冊號曰光天文武大
聖孝感皇帝

按開府元龜肅宗至德二年十二月壬申右僕射裴
冕與百僚上言曰頃者逆寇亂常悖違天紀六位同
薄三光失序上皇南巡以避患羣臣東沒而面偽當
此時也勇者不及奮智者不及謀則高祖太宗之業
將墜於地矣上皇知聖嗣在昌人望大啓乃付陛下
以天地之事將復高祖太宗之業告成功於天伏惟
陛下至孝恭順格於天地不敢以翦逆平難之務爲
上皇憂遂乃赫然龍驤雷動朔野以一旅之衆康天
下之逆躬堯之聰明廣聽天下率禹之勤儉以先兆
人孝通德茂格於三極故蠻夷君長來庭於要荒之
外五玉寶龜納錫於旌門之內其行如雲其植如山
莫不裂眦致命開懷飲鐵死而後已實乃甘心是以

大風一鼓而冷氣廓清斯實再造生人之極也陛下
以上皇未至延侯鑾輿清宮待幸守而不失今上皇
戾止昭德報功廣聖人崇本之義徵王者未舉之禮
百神奉職親受寶符過堯邁舜以慶天下以陛下有
光上皇之德經天下之文定禍亂之武窮不測之聖
通神明之孝故命陛下曰光天文武大聖孝感皇帝
皆象德景行自然之符陛下尚執謙冲遷延若未當
者今羣臣咸服膺謀肅將天下猶各有茅土銘勳景
鍾陛下盛德大業終古獨立不速即徽號以尉皇圖
臣恐天地神祇動勞仰止臣謹與太常禮官等會擇
請以來歲正月五日上尊號伏惟陛下膺天地之誠
恭上皇之命遂羣臣之請滿百靈之心延光無窮天
下幸甚詔曰朕以眇躬敬承明命兩遭狂逆擾亂宗
社不寧稟上皇至聖之謀當仗鉞秉旄之任大師一
振殘孽無遺上皇厭彼代紛棄茲人事萬邦之重俾
付朕躬傳授寶符乃加徽號朕再三固讓實增匍匐
恭膺典冊感慶良深覽卿等來章倍加祇懼依卿等
所請三年^{改元乾元}正月戊寅太上皇御宣政殿授
帝傳國寶符及受命寶符冊帝尊號曰光天文武大
聖孝感皇帝上言曰陛下顧天位之累已推以付臣
臣又畏天命以固辭期不奉詔未蒙詔許以辱四海
而今加之徽號錫以洪名既受寶符又傳神器是重
臣以不德私臣以殊寵豈天地之容乎神人之望乎
臣聞禮有常尊器不可假名無虛立義然後行項以
寇逆憑陵京闕失守撫軍監國事在一時正位居中
尊無二上至於光天之業允文允武聖孫天作孝以
感通臣何有焉此皆陛下之能事也曲成之惠在慈

愛而愈深至公之道將詢謀而未叶伏望寢以嚴命
俯遂勤誠臣之下情不勝至願太上皇詰曰吳穹垂
裕宗社發祥爾往在髮年素彰岐嶷泊乎間寢日增
孝敬吾人勤庶務常奉至真特好清虛尋將付託爾
以華戎銳士掃定神州功乃格天德惟邁古是用受
茲國寶加以大號典章斯集喜慰盈懷實謂道映前
王何必志在讓禮克光丕業以副至公即斷來表帝
再讓不允又以大聖二字非所當之言曰帝王者天
所命也稱號者人所奉也惟有德克膺大寶惟至聖
以享鴻休於是乎人神形容其美行歌咏之不足或
爲之名焉伏惟陛下乾坤覆載河海潤澤道達生靈
惠懷蠻貊尊九廟以崇孝謁五陵以奉先禮二郊以
嚴禮祠九宮以致敬刻石北京以揚祖烈泥金東嶽
以告成功自三五以還歷選列辟聰明文武齊聖廣
淵不懿純殷孰與比擬卓哉煌煌真聖人之表也夫
天地至大不能定愆伏之序日月運行不能正薄蝕
之變自在孽開豐儉倣擾天紀與時消息爲人請命舞
千羽而氣殷未清垂衣裳而社席無改納萬姓於仁
壽之域朝百神於清穆之上宵然姑射之山思訪襄
城之野斯又臣言之不及稽古所未聞義軒唐虞何
足以云今方推而不居爲而不有付臣以宗廟重器
錫臣以后土微章何以克堪辭不獲命臣自奉明詔
夙夜於邑以爲名不可假尊不可踰敬承嚴旨得爲
孝乎至於所託者深所荷者大不敢悉拒以違天衷
而大聖二字得之不易伏願許停如臣言可以簡當
所希採納如臣誠不足動天伏當待罪將以明授受
之道辨上下之分不勝臣子下情懇願之極伏惟陛

下俯垂允許以副四海之望表上不允

乾元二年上尊號曰乾元大聖光天文武孝感皇帝

按唐書肅宗本紀二年正月己巳羣臣上尊號曰乾元大聖光天文武孝感皇帝

元大聖光天文武孝感皇帝

按冊府元龜乾元元年十二月乙未公卿道俗上表請加號曰乾元三表乃許之二年正月朔帝御含元殿受朝賀便冊尊號曰乾元大聖光天文武孝感皇帝

帝

上元二年詔尊號唯稱皇帝

按唐書肅宗本紀上元二年九月壬寅去乾元大聖光天文武孝感號

光天文武孝感號

按冊府元龜上元二年九月壬寅詔曰朕獲守丕業若履春冰敢忘謙冲日益招損欲垂範而自我亦去華而就實其乾元大聖光天文武孝感等尊崇之稱何德以當之自今已後朕號唯稱皇帝

代宗廣德元年年上尊號曰寶應元聖文武孝皇帝

按唐書代宗本紀廣德元年七月壬寅羣臣上尊號曰寶應元聖文武孝皇帝

日寶應元聖文武孝皇帝

按冊府元龜代宗寶應二年改元廣德四月辛巳宰臣及文武百僚郭子儀等上尊號表曰臣聞功莫大於締構乾坤孝莫先於繼承社稷伏惟皇帝陛下繼述冠於周武中興邁於漢光曩者巨逆慢天中原失序生人罹厥角之禍皇運甚綴旒之危陛下親討元兇指麾戎旅尊先帝於靈武返上皇於巴蜀以一旅而掃定二京不再周而克寧九廟是陛下締構之功也及乎先帝厭代姦臣窺國懷躡足之變構無將之端陛下墮將成之禍胎挫已就之凶計申大義而誅

呂全至公而嗣文日月蝕而重明寰宇傾而再定陛下繼承之孝也臣伏以古先帝王繼體踐祚者年踰則改元創業垂統者功成則上號陛下項以先帝梓宮象設猶在橋山石室弓劍未藏固違體天之典將申寧戚之義孝思之至又何加焉今二聖靈輅永安陵寢萬方黎庶悉夢華胥聖人之哀榮畢矣帝王之功業成矣宜其大崇徽號允羣臣願然之望惟新正朔覃四海莫大之澤伏願降明詔下有司許臣等徵三代之故事考百王之通典改元立號革故鼎新懸之無窮俾映千古臣子儀等與羣臣萬姓不勝懇請大願之至手詔答曰朕嗣守洪名欽承不構克清多難奄甸四方聖靈在天元德敷佑南面恭己朕何有焉巨猾削平非予之武言念海內生人至艱兵烽猶虞暴骨未掩日肝忘食宵分疚懷遽稱成功良謂虛美元宮甫畢豈宜即及改元寶位至尊何以更言加號宰臣之任職在輔弼勸進之詞深所不取表三上乃許之六月丙申上表獻議曰陛下昔在藩邸及登儲闈聰明徇齊肅肅端冕遇闕則下入廟必趨及乎著代成人繼明踐祚聖委天縱神化日新學冠九流觀書過於乙夜文高五始逸興躍於秋風此則陛下明昭之文德也頃者凶逆亂常彝倫失序陛下親總戎旅誅討元凶掩慶緒於維陽斬朝義於河朔罷三司而復其位職人懷莫大之恩收兩京而不問脅從國賀非常之澤泊先帝大漸凶臣伺豐陛下釋服即戎提戈靖難九重邁恩王室危於綴旒百姓不知天下安於山岳此則陛下定難之武功也若夫心遊繫象之表理絕名言之外聖斷沈遠同陰陽之不測睿

謨鈞深與鬼神而爭奧休氣潛盈草木化為禎祥淳風遠覃蠻裔效其獻貢加以明並日月德參乾坤風雨應時自有雍熙之兆魚鼈咸若更登仁壽之期此則陛下莫大之至聖也至於色養盡心慎終追遠問安內侍豈一日而忘朝視膳宰夫知再飯而方退及乎三聖違代九域親臨至性自天哀容觸地門外之理權依易月之期從心之喪實履終天之痛財傾象設力竭山陵莫不德通於神明明哀感於天地故得役徒百數之衆皆曰子來送終三十餘日曾無塗潦此則陛下感通之至孝也若乃神告聖運天呈寶符陛下登極之辰泗水見其五璧天兵滅寇之日黃河清於千里神鳥白雀之祥填林溢園卿雲甘露之瑞歲至月書此皆靈貺昭告休期之大應也且夫允恭濟哲有軒轅戰伐之功焉德合乾坤有伏羲尊聖之業焉降天休呈地寶有夏禹元圭之威焉經天緯地之謂文立極中興之謂武變化無方之謂聖精誠上通之謂孝降天和騰地氣生無期出有為之謂寶文以昭之武以定之聖以成之孝以通之寶以應之夫然後可以充天地之洪名崇帝王之大號故臣等犯冒萬死奉上寶應元聖文武孝皇帝尊號伏願陛下祇膺景命對越神祇應天理人光膺大典臣等謹當撰吉日修禮客設九賓觀羣后昭告烈祖清廟展黃琮之儀有事吳穹圖丘陳蒼璧之禮臣子儀等與羣臣萬姓不勝大慶謹上尊號以聞詔下有司七月壬寅御宣政殿受羣臣上尊號冊曰寶應元聖文武孝皇帝

德宗建中元年正月丁卯羣臣上尊號曰聖神文武

皇帝

按唐書德宗本紀云云

興元元年詔去聖神文武尊號

按唐書德宗本紀興元元年正月癸酉去聖神文武尊號

按舊唐書德宗本紀興元元年春正月癸酉朔上在奉天行宮受朝賀詔曰立政興化必在推誠忘己濟人不吝改過朕嗣服丕構君臨萬邦失守宗祧越在草莽不念率德誠莫追於既往永言思答期有復於將來明徵其義以示天下小子懼德不嗣罔敢怠荒然以長於深宮之中暗於經國之務積習易溺居安忘危不知稼穡之艱難不恤征戍之勞苦致澤靡下究情不上通事既壅隔人懷疑阻猶昧省己遂用興戎徵師四方轉餉千里賦車籍馬遠近騷然行齋居送衆庶勞止力役不息田萊多荒暴令峻於誅求疲民空於杼軸轉死溝壑離去鄉里邑里丘墟人煙斷絕天譴於上而朕不寤人怨於下而朕不知馴致亂階變起都邑賊臣乘釁肆逆滔天會莫愧畏敢行陵逼萬品失序九廟震驚上累於祖宗下負於蒸庶痛心視面罪實在予永言愧悼若墜泉谷賴天地降祐神祇協謀將相竭誠爪牙宣力羣盜斯屏皇維載張將弘遠圖必布新令朕晨興夕惕惟省前非乃者公卿百寮用加虛美以聖神文武之號被蒙暗昧之躬因辭不獲俯遂羣議昨因內省良所懼然自今已後中外書奏不得言聖神文武之號

貞元五年百寮請復尊號不許

按唐書德宗本紀不載 按開府元龜貞元五年十月百寮累上表請復徽號詔曰三省來章彌用兢惕載崇大號何以當之前者示懷蓋非中讓尚勞敦請豈所宜然卿等博達古今列於朝右思弘獻贊共致太和豈以虛名重予不德再三徧復增慙於懷想悉深衷勿更陳請

貞元六年百寮僧道請上貞元聖神文武皇帝尊號不許

按唐書德宗本紀不載 按舊唐書德宗本紀貞元六年冬十月己亥文武百寮京城道俗抗表請上徽號詔曰朕以春夏亢旱粟麥不登朕精誠祈禱復降甘雨既致豐稔告謝郊廟朕倘因禮祀而受徽號是有爲爲之勿煩固請也

順宗永貞元年八月憲宗即位十二月羣臣請上尊號不許

按唐書憲宗本紀不載 按開府元龜順宗永貞元年八月禪位於憲宗十二月辛酉宰臣文武百寮等請上太上皇及皇帝尊號表曰臣聞帝堯之禪虞舜也業歸於異代漢祖之尊太上也禮循乎虛名未有履尊極而捨萬乘之榮奉晨昏而傳七廟之重斯則堯圖非遠漢道未全倬然冠洪名而超古昔者孰若今之盛也伏惟皇帝陛下誕受聖姿欽膺寶曆自天生德與神合契近者太上皇恭默在疚禪授未行萬國注心思堯言以致理羣生屬望渴聖人之利見陛下忠感於天地孝達於神明成堯舜之內禪固邦家之景命功莫盛於配天孝莫大於率親讓莫高於傳聖故太上皇釋天下之負所以成其讓陛下受宗祧之寄所以保其功惟文王爲無憂惟武王爲善繼夏

明倫彙編皇極典第一百七十二卷帝號部

祀未固周命惟新巍巍蕩蕩固無德而稱矣又聞皇帝之道必體於至公稱號所加不私於爲己將體元以立政必紀年以垂號伏願肇茲獻歲允極鴻名發揮元功昭示景化則太上皇之德可表于微聞陛下之孝克施於寰海然後父子子君君臣臣仰東海者知聖化之深瞻南山者願聖人之壽臣等不勝大願請上太上尊號曰應乾聖壽太上皇請上陛下尊號曰文武大聖孝德皇帝因三正之慶會鼓萬國之歡心奉寶冊以薦鴻徽率羣臣而朝上日然後退自問寢列茲充庭先陳教孝之儀方受虞君之禮斯實邦家之耿光也古今之絕典也雖朝賀有次已稟於綸言而徽號所尊益勳于俞詔兆人懇願罔不願然憲宗詔答曰太上皇至道光於唐虞至仁合於天地卿等虔述休德祇獻鴻名循省再三允符朕志朕獲守寶位不承庠訓雖嚴恭寅畏不敢怠遑而澤未洽於羣生理未臻於皇極遽言徽號何以當之雖嘉乃誠難遽求請其上獻太上皇尊號宜依所奏

憲宗元和元年羣臣請上尊號不許

按唐書憲宗本紀不載 按開府元龜元和元年十二月甲戌宰臣及百僚表請上尊號曰文武聖德皇帝

元和三年正月癸巳羣臣上尊號曰睿聖文武皇帝

按唐書憲宗本紀云云

元和十四年加上尊號曰元和聖神武法天應道皇帝

按唐書憲宗本紀元和十四年七月己丑羣臣上尊號曰元和聖神武法天應道皇帝

按唐書憲宗本紀元和十四年七月己丑羣臣上尊號曰元和聖神武法天應道皇帝

按唐書憲宗本紀元和十四年七月己丑羣臣上尊號曰元和聖神武法天應道皇帝

按唐書憲宗本紀元和十四年七月己丑羣臣上尊號曰元和聖神武法天應道皇帝

按唐書憲宗本紀元和十四年七月己丑羣臣上尊號曰元和聖神武法天應道皇帝

按唐書憲宗本紀元和十四年七月己丑羣臣上尊號曰元和聖神武法天應道皇帝

按唐書憲宗本紀元和十四年七月己丑羣臣上尊號曰元和聖神武法天應道皇帝

按唐書憲宗本紀元和十四年七月己丑羣臣上尊號曰元和聖神武法天應道皇帝

按唐書憲宗本紀元和十四年七月己丑羣臣上尊號曰元和聖神武法天應道皇帝

按唐書憲宗本紀元和十四年七月己丑羣臣上尊號曰元和聖神武法天應道皇帝

按唐書憲宗本紀元和十四年七月己丑羣臣上尊號曰元和聖神武法天應道皇帝

按開府元龜十四年五月丙申中書門下率百僚上

表請加尊號曰臣聞惟帝之尊不言而理惟天為大

無得而名所以舉鴻微昇大號者尊乾坤之心也伏

惟睿聖文武皇帝陛下璿樞御柄氣母躋神總三靈

以紀元宅萬國以補化霽日出海雄光昭天煙霞變

舒草樹動色夫纂大寶者重光之德崇張帝圖者屬

統之功盛十聖儲社貞明下土一天鏡開引耀幽蛰

此臣所以稽衆心而窺景錄者也臣聞孝於其父則

導善因心忠於其君則望美終日蓋性本於內義激

於中將曲成以無違期取實而不苟所以然也陛下

粵臨宸極十有五年道本至公誠深馭朽有盡下之

意無自我之規以喜怒之氣調陰陽之德比類百則

有帝堯之聰明周旋一心秉神禹之恭儉野老擊壤

仁風扇和巍巍成功蕩蕩區域遠可以比崇于唐虞

軒頊近可以丕顯於高祖太宗且元宗自先天三年

至天寶十三年四十年間六上徽號今陛下發揮元

祉輝赫洪猷據積憤於祖宗駕于齡於天地飾文武

之氣象納廣大於昊穹澤及隱微仁霑動植圓方不

足稱其遠辰象不足契其明瑞舞神魚祥升鳴鳳若

不駿尊大號仰陟崇名豈非臣下之志與臣等上採

元命下採羣情不勝懇戴誠願之至謹上尊號曰元

和順天應道聖文神武皇帝以崇莫大之業以配無

為之功伏惟陛下奉順人靈俯從公議鑒深誠於億

兆願景貺於神祇順頤四海執不踴躍帝答詔不許

表四上從之七月己丑御宣政殿羣臣冊上尊號
穆宗長慶元年上尊號曰文武孝德皇帝
按唐書穆宗本紀長慶元年七月壬子羣臣上尊號

曰文武孝德皇帝

按冊府元龜長慶元年四月辛卯中書門下及文武

百僚請上尊號表曰臣聞上帝至尊也其名有九所

以顯高明之位西方大聖也其號有十所以旌神化

之功王者提寶運而光宅握璫圖而首出必建徽號

以稱鴻猷斯乃臣子之誠有所法則天之所與不可

辭讓伏惟皇帝陛下欽明御曆神武纂戎挺上聖之

姿撫中興之運鼓雷靈而清八極懸日月而照九圍

粵若祗事郊廟敬養長樂大孝也省刑責已偃革息

兵大澤也慶雲見甘露降羽毛呈瑞草木發祥天符

也億兆歡心而太和變方厥魚而威服人瑞也祖宗

未賓之地帝王不收之叱皆勿耀天威獨運聖算未

嘗血一刃勞一夫文軌罔不同策驚罔不化則軒有

版泉之戰堯有丹浦之征求之往籍彼宜慙色陛下

有格天之大動動天之德德烈已冠於前古而稱

號猶抑於當今凡在朝野敢不知罪臣等不勝大願

伏乞迴天眷啓宸衷擇吉日崇徽號塞人祇懽懽之

望合華夏顯顯之誠制答曰朕以非德初承大寶嚴

恭夙夜修己臨人燭理未明舉政多闕雖展郊禋之

禮或稱瑞應之符而俗尚凋訛人未康又所思德之

不立豈思名之不尊至於遐方率化繼踵來王不俟

七旬之朝自銷積紀之弊此皆宗社垂裕公卿贊謀

之力也朕何有焉遠議徽名深懼未稱卿等志思將

順誠切致君宜體至懷勿徇虛美表四上從之七月
壬子御宣政殿受冊文武孝德皇帝尊號
敬宗寶曆元年上尊號曰文武大聖廣孝皇帝
按唐書敬宗本紀寶曆元年四月癸巳羣臣上尊號

曰文武大聖廣孝皇帝

按冊府元龜寶曆元年四月丙寅宰臣等抗疏請上

尊號不許自此累獻四表詔方從之癸巳御宣政殿

受冊文武大聖廣孝皇帝尊號

文宗太和六年羣臣請上尊號三上表不許

按唐書文宗本紀不載 按冊府元龜太和六年正

月辛亥中書門下及文武百官請上尊號詔答不許

甲寅再上表曰伏以昭闡大猷崇建明號爰自列聖

實從人心或不踰於一二年或至於再三則伏惟陛

下握乾符而執左契掃氛祲而廓夷途時清俗平世

更於七足以光寶祚暢洪徽道成規崇典禮而况百

靈效祉庶續其凝祝告元穹孝光長樂慶澤濟天而

接地仁風輝古而映今休禎見於星雲嘉瑞洽於禽

草英聲騰軼於八表和氣旁達於九圍而乃尚執勞

謙未允誠望凡在臣庶實所章惶夫無為而理者不

在於去名稱在於遂萬物之宜曲而成之者也恭默

思道者不在於變典冊在於天下為公居而不有者

也故曰惟天為大惟堯則之又曰聖人無常心以百

姓之心為心然則王者舉措有法弛張隨時伏望答

上帝乃眷之懷副下人傾心之望略摛謙之小節奉

祖宗之舊儀臣等不勝大願謹上尊號曰太和文武

至德皇帝伏乞仰遵成式俯順羣心命有司擇吉日

光膺盛禮允答天人天下幸甚詔曰朕以否德纂承

唐圖業業乾乾懼不克荷是用法天地無私之道以
成化象日月無私之炤以燭幽慕唐堯舜之為君
繼貞觀開元之致理朕以夕惕宵興不遑暇逸冀將
紹復聖哲保綏華夏至於洪名尤不輕議尚未審度

豈可屬心卿等台鉉重臣翼宣元化宜翊朕志臻於
緝熙今陰雪傷和尚資寬有乃以文武至德加於朕
躬省視奏章難從虛美宜斷來表深諒予懷庚申表
三上詔答不許

太和七年中書門下請上尊號四上表不許

按唐書文宗本紀不載 按冊府元龜七年十二月

甲午中書門下請上尊號表曰臣聞自古帝王之有

天下也必建崇名立徽號號者功之表名者德之光

所以配天立極傳於億祀表功明德示於四方伏惟

皇帝陛下運起中興業隆大寶愍道德而施教法陰

陽以爲心雖日昃忘勞之規御朽典念之戒身衣弋

綈之儉乙夜觀書之勤斯皆前代之令猷而哲王之

懿範有一於此則爲聖明陛下總而行之孜孜不倦

而又抑退浮薄崇獎貞廉必齊素厚之風每尚儒學

之本端靜邁於時俗孝愛浹於人倫掃滄景之妖兇

定羌蠻之倣擾去華尚朴先自六宮端本澄源行乎

四海近者早曠偶數時雨稍愆陛下下切納隍之憂深

在予之責德音纔發靈貺已隨變應銷災有如影響

熒惑受制以軌道壽星叶紀以揚光品彙昭蘇風雨

時若元功之化覆載同和寬貸之仁肖翹皆遂干戈

載載華夏以清自三代已還仁明聰聖未有如今日

之盛者也而自龍飛代邸將及十年聖德咸通洪名

久曠何以彰祖宗之盛烈副億兆之懇誠臣又聞行

過乎恭自非中道各以出信斯蓋格言使尊稱抑而

未揚大典闕而不舉天地之符未答神祇之望莫申

臣等不勝大願謹上尊號曰太和文武仁聖皇帝伏

惟誕膺丕典永峻鴻猷葵藿纖誠庶傾心於迴照大

馬微志獲蹈舞於康衢無任惓惓屏營之至前後凡
四上表詔答不許宰臣以帝臨御八年請加徽號適
有五坊中人薛季稜自同華迴因奏關輔村閭百姓
彫弊帝歎曰近甸今歲小稔人尚如此况江淮水潦
之後流離疾苦未有弭災援溺之術焉可虛飾鴻名
以自尊大乎因以通天帶賞季稜繇是宰臣不敢復
請

開成二年方岳諸臣請上尊號不許

按唐書文宗本紀不載 按冊府元龜開成二年二

月自朔至晦方岳之臣請上尊號者二十二道或至

再請者皆詔報不許

開成五年上尊號曰仁聖文武章天成功神德明道

大孝皇帝

按唐書文宗本紀不載 按冊府元龜五年春正月

己酉朔太尉兼門下侍郎平章事李德裕及文武百

官太常卿孫簡等六千二百二人等奉玉冊玉寶上

尊號曰仁聖文武章天成功神德明道大孝皇帝初

徽號內無道字有旨令加之中書奏曰伏以軒居

崆峒堯期姑射未有不心遊至道而能功濟生靈暨

漢之文景尊奉黃老理致刑措時稱太康開元中元

宗經始清宮崇道元祖開釋道要遂臻治平六合晏

然四十餘年今者陛下蹈軒后之靈蹤遵開元之故

事進道不貴於拱璧澄心已得於元珠聖壽必過於

殷宗景化方躋於漢武臣等所上徽號義雖盡美意

有未周今謹上尊號爲仁聖文武章天成功神德明

道大孝皇帝所貴冠皇王之高號盡臣子之至誠伏

希聖慈容鑒丹懇

武宗會昌二年四月丁亥羣臣上尊號曰仁聖文武
至神大孝皇帝

按唐書武宗本紀云云

按舊唐書武宗本紀會昌二年四月乙丑朔光祿大

夫守司空兼門下侍郎平章事李德裕銀青光祿大

夫中書侍郎同平章事李紳金紫光祿大夫檢校司

徒兼太子太保牛僧孺等上章請加尊號曰仁聖文

武至神大孝皇帝戊寅御宣政殿受冊

宣宗大中二年正月甲子羣臣上尊號曰聖敬文思

和武光孝皇帝

按唐書宣宗本紀云云

懿宗咸通三年正月庚午羣臣上尊號曰睿文明聖

孝德皇帝

按唐書懿宗本紀云云

咸通十一年正月甲寅羣臣上尊號曰睿文英武明

德至仁大聖廣孝皇帝

按唐書懿宗本紀云云

僖宗乾符元年十一月庚寅羣臣上尊號曰聖神聰

睿仁哲明孝皇帝

按唐書僖宗本紀云云

光啓元年五月羣臣上尊號曰至德光烈皇帝

按唐書僖宗本紀云云

昭宗大順元年正月戊子羣臣上尊號曰聖文睿德

光武弘孝皇帝

按唐書昭宗本紀云云

後梁

太祖開平三年正月丙申羣臣上尊號曰睿文聖武

廣孝皇帝

按五代史梁太祖本紀云云

後唐

莊宗同光二年二月癸酉羣臣上尊號曰昭文睿武光孝皇帝

按五代史唐莊宗本紀云云

明宗長興元年上尊號曰聖明神武恭孝皇帝

按五代史唐明宗本紀長興元年夏四月戊午羣臣

上尊號曰聖明神武文德恭孝皇帝

按開府元龜長興元年三月庚辰宰臣馮道率百僚

拜表請上尊號曰聖明神武文德恭孝皇帝表曰先

以中外同詞臣民叶慶敬遵往制特上徽名天聰未

回王言疊降過持謙柄尚拘羣情將未顯于洪休須

再陳于丹素伏惟皇帝陛下中興繼祀下武應期務

實去華還淳返樸有聞善必行之聖有無幽不燭之

明以神武戡定四方以文德懷柔八極惟恭與孝繼

祖承祧臣等考尋帝載奉揚休烈請上尊號曰聖明

文武恭孝皇帝約就望而臆譚堯德叙聲身而首贊

禹謨此際陛下以郊禋未展於泰壇帝饗未修於清

廟易水之殘妖未殄江陵之闔境未寧堅運丹赤之

誠更待和平之日今則乾坤大定書軌混同北暨幽

陵南窮丹徼東踰滄海西越流沙率梯航者願布腹

心俟干羽者已陶聲教圖丘報本顯陳燔燎之儀宗

祏告虔親奉雲韶之薦而况萬邦胥悅百穀順成天

垂上瑞之文人樂由庚之化雞竿作解風紀維新野

喧擊壤之歌兵入囊弓之詠人祇祈合日月重光明

哉康哉美矣盛矣臣等生逢景運仰績不圖是將億

兆之心虔貢再三之請冀茂實光于圖史微猷式

冠于古今上契天心下從人欲凡厥臣庶恭俟允俞

詔曰朕顧惟涼德獲紹丕基賴心膂之討謨繫股肱

之寅亮懼難負荷常勵齋莊唯誠克寧敢自滿假卿

等謨猷迭著翼亮彌勤遽以鴻名將加眇質雖驗忠

貞之懇誠非謙慎之懷往年繼上封章累增宜達近

者告虔宗廟展禮郊丘皆輔弼之盡心亦繼承之常

道縱頻推邊寇烽燧尤存雖稍靜南方車書未混至

於年穀豐稔皆由台輔變調豈予冲人當斯盛美爾

宜勉輔弼諸無忘裨救堯舜禹湯之大道足供敷陳

聖明神武之虛名無煩往復諒茲深意即斷表章表

三上從之

長興四年加上尊號廣大法天四字

按五代史唐明宗本紀不載 按開府元龜四年六

月丙午宰臣馮道文武百僚拜章請上徽號內加廣

道法天四字曰臣等聞乾文上布常居莫大之尊坤

體下凝允闢無疆之道以是發生悠久亨育運行人

識元功遂配高明之號世祥陰德爰標博厚之名皆

彰得一之靈盡合通三之稱帝王繼統古今同符皇

風愈至於洽平羣願並虔於將順伏惟聖明神武文

德恭孝皇帝陛下乾坤正氣日月並明千年膺出震

之期萬乘發承祧之日寬仁大度映煥史於前王儉

德淳風契徽猷於太古而自創平多難纂紹洪基視

兆庶以如傷致八紘之不變疊方率服稼穡豐登普

天揚溢美之聲當宁固持謙之旨風堅衆志久抑鴻

名泊展禮祖宗告虔天地乃從人而降命獲奉冊以

陳誠紀述聖謨但務屬詞之實申明拜典方諸得理

之宜郊祀以來日新其化四方益理九土咸寧惡黨

挺妖仗天威而悉殄遠藩效順感帝德以皆來塞外

休兵域中無事保深根而固蒂延地久以天長臣等

輒據羣情虔敬故事合增加於徽稱免漏略於宸猷

伏以道爲廣大之宗天布生成之惠仰惟一德宜總

二名臣等伏請於尊號內加廣道法天四字庶得彰

明典禮各傾翊戴之心輝煥簡編永表雍熙之運詔

答曰朕根以眇躬度承不構統臨區宇綿歷星霜九

有所寶萬務思治鑒往代典廢之本稟前王嗣守之

規馭朽索以兢懷攬宵衣而惕慮顧惟寡昧罔敢怠

荒而猶帝道未臻聖猷罕著至於五兵銷偃九穀豐

穰內由調變之功外假勳賢之力豈茲涼德擅彼微

名今則漸冀小康將擬大化諒繁台輔俾契混同何

乃遽貢飾辭爰加溢美乍披來奏深匪素懷致君不

在於斯文尊主軍勢於懿號未若罄丹楫濟川之業

竭肱股宣力之誠使化被八荒澤及四海武功文德

咸叶於休期君賢臣忠未標於良史今茲來請具驗

乃心徒切歎嘉必難依允所上尊號宜不允表三上

從之

後晉

高祖天福三年契丹奉上尊號曰英武明義皇帝

按五代史晉高祖本紀天福三年冬十月戊寅契丹

使中書令韓頗來奉冊曰英武明義皇帝

後周

太祖顯德元年春正月丙子朔羣臣上尊號曰聖明

文武仁德皇帝

按五代史周太祖本紀云云

按開府元龜廣順三年十月甲子南郊大禮使中書令弘文館學士齊國公馮道率文武百僚諸道節度使內外將校官吏耆老僧道等上表曰粵以惟帝事天惟臣奉主就陽展禮一人虔報本之心揆德弘猷萬國切歸尊之願載揚明號思稱洪休瞻旒冕以獻言望昊穹而垂允臣等願首臣聞德所以誕敷四海名所以馳裕萬邦苟黼藻之頌不傳則就望之容何著故質文迭用實實相符禮有常尊臣子合遵於舊典功無與讓君親當協於至公伏望皇帝陛下清明在躬純德受命弘要道於天下暢淳風於域中通達無方淵源不測此所謂聖以合道也外宣百度上法三光銅渾瑊乾健之規玉燭朗陽舒之景無幽不燭有感皆通此所謂明以燭遠也至如用姬公之典以御十倫敬孔子之祠以典四教觀書乙夜徇鐸孟春遠服殊鄰王道無偏而蕩蕩親平判壘天網不漏而恢恢此所謂文以典教武以宅功也又若煦嫗萬物昭蘇九圍協天載以無聲恢帝猷而有截涵如東海固比南山此所謂仁以阜成德以順正者也皇帝陛下聖廣造物明均照臨同文班黼黻之章常武蓄雷霆之勢仁兼孝以並率德與道而相權總集衆方光揚茂實臣等不勝大願謹上尊號曰聖明文武仁德皇帝恭惟雍熙之代開泰之朝君臣崇相正之規天地無不交之象書曰一人有慶當皇極之盛隆詩曰萬邦作孚在鴻名之遠逮臣等幸逢景運獲事朝廷表端位而列羣司各承豐澤章至尊而舒盛德敢忘前規瀝懇傾輸望恩俞允詔報曰眇覲前王德之盛者或弦弧剡矢去天下之暴或手胼足胝服四載之

勤德普施於民而民不知其力蓋為而不有建之若倫巍巍聖功曾無稱號苟異於是孰不近名朕曆數在躬艱難承統莫識三王之道徒知萬乘之尊至於翼翼小心孜孜庶政推誠待物損己益人上帝佑予于茲三祀日慎一日無德可稱夫五禮交修四時不忒振綱綱於會府致函夏之小康斯乃公輔庶臣舉職之明效也七德訓戎四鄙不聳執干戈而衛社撫封域以安民此又勳臣將校為時而宣力也至若蟲螟消殄風雨不愆歲被豐登民躋富壽茲乃乾坤育物宗社貽休敦食天功以為己力而公卿叶議中外同辭詣闕拜章增予美號雖為臣之義將順則然諒愛君之心殊不在此朕顧寡薄非所宜當即斷來章無至固執所請宜不允表三上從之按五代史與顯德元年事

遼

太祖元年即皇帝位上尊號曰天皇帝
按遼史太祖本紀元年春正月庚寅即皇帝位北宰相蕭轄刺南宰相耶律歐里思率羣臣上尊號曰天皇帝
神冊元年羣臣上尊號曰大聖大明天皇帝
按遼史太祖本紀神冊元年二月丙戌朔上在龍化州迭烈部夷离堇耶律曷魯等率百僚請上尊號三表乃允丙申羣臣及諸屬國築壇州東上尊號曰大聖大明天皇帝
太宗天顯元年十一月壬申羣臣上尊號曰嗣聖皇帝
按遼史太宗本紀云云

會同元年上尊號曰睿文神武法天啓運明德章信至道廣敬昭孝嗣聖皇帝
按遼史太宗本紀會同元年九月邊臣奏晉遣左僕射劉煦右諫議大夫盧重上皇帝尊號遂遣監軍寅你己充接待冬十月甲戌朔遣郎君迪里姑等撫問晉使十一月丙寅皇帝御宣政殿剋煦盧重冊上尊號曰睿文神武法天啓運明德章信至道廣敬昭孝嗣聖皇帝
世宗天祿元年上尊號曰天授皇帝

按遼史世宗本紀大同元年四月戊寅即皇帝位九月丁卯羣臣上尊號曰天授皇帝改大同元年為天祿元年
穆宗應曆元年上尊號曰天順皇帝
按遼史穆宗本紀天祿五年九月丁卯即皇帝位羣臣上尊號曰天順皇帝改元應曆

景宗保寧元年上尊號曰天贊皇帝
按遼史景宗本紀應曆十九年二月己巳即皇帝位百官上尊號曰天贊皇帝改元保寧
乾亨四年聖宗即位上尊號曰昭聖皇帝
按遼史聖宗本紀乾亨四年九月癸丑即皇帝位冬十月辛酉羣臣上尊號曰昭聖皇帝

聖宗統和元年六月甲午羣臣上皇帝尊號曰天輔皇帝
按遼史聖宗本紀云云
統和二十四年冬十月庚午朔羣臣上皇帝尊號曰至德廣孝昭聖天輔皇帝
按遼史聖宗本紀云云

開泰元年冬十月甲午朔文武百官加上尊號曰弘文宣武尊道至德崇仁廣孝聰睿昭聖神贊天輔皇帝

按遼史聖宗本紀云云

太平元年百僚上尊號行受冊禮儀

按遼史聖宗本紀太平元年十一月癸未上御昭慶殿百僚奉冊上尊號曰睿文英武遵道立德崇仁廣孝功成治定昭聖神贊天輔皇帝 按禮志皇帝受冊儀前期一日尚舍奉御設帳於正殿北墻下南面設御座奉禮郎設官僚客使幕次於東西朝堂大樂令設宮懸於殿庭舉麾位在殿第二重西階上東向乘黃令陳車輅尚輦奉御陳輿輦尚舍奉御設解劍席於東西階設文官六品已上位橫街南東方西向武官五品已上位橫街南西方東向皆北上重行每等異位將士各勒所部六軍仗屯諸門金吾仗黃麾仗陳於殿庭至日押冊官引冊自西便門入置冊案西階上通事舍人引侍從班入就位侍中東階下解劍履上殿欄外俛伏跪奏中嚴下殿劍履復位立閣使西階上殿欄外跪請木契面殿鞠躬奏奉勅喚仗殿中監少監殿中丞等押金吾四色仗入位臣僚後協律郎入就舉麾位符寶郎詣閣奉迎通事舍人引文官四品至六品武官三品至五品就門外位皇帝御輦至宣德門宣徽使押內諸司班起居引皇帝至閣服袞冕侍中東階下解劍履上殿版奏外辦太常博士引太常卿太常卿引帝內諸司出協律郎舉麾太樂令令撞黃鍾之鍾左五鍾皆應工人鼓祝樂作皇帝即御座宣徽使贊扇合樂止贊簾捲扇開符寶

郎奉寶進左右金吾報平安通事舍人引文官三品武官二品已上位入門樂作就相向位畢樂止通事舍人引侍從班南班文官三品武官二品已上位合班北向東班西上西班東上起居七拜分班各復位通事舍人引押冊官押冊自西階下至丹墀當殿置香案冊案置冊訖樂作就位樂止捧冊官近後東西相對立舍人引侍從班并南班合班北向如初贊再拜在位者皆再拜舞蹈五拜分班各復位如初捧冊官就西階下解劍席解劍履捧冊西階上殿樂作置冊御座前東西立北向捧冊官西階下立北上樂止讀冊官出班當殿立贊再拜三呼萬歲就西階下解劍席解劍履西階上殿欄內立當御座前侍中取冊捧冊官捧冊匣至讀冊官前跪相對捧冊讀冊官俛伏跪讀訖俛伏與捧冊官跪左膝以冊授侍中侍中受冊以冊授執事者降自西階劍履復位當殿位贊再拜三呼萬歲復分班位舍人引侍從班南班合班北向如初贊拜在位者皆拜舞蹈鞠躬如初通事舍人引班首西階下解劍履上殿樂作就欄內位樂止俛伏跪通全街臣某等致詞稱賀訖俛伏與降西階下帶劍納鳥樂作復位樂止贊拜在位者皆再拜舞蹈五拜鞠躬侍中臨軒西向稱有制皆再拜侍中宣答訖贊皆再拜舞蹈五拜分班各復位三品已上出樂作出門畢樂止侍中當御座俛伏跪通全街奏禮畢俛伏與退東階下殿帶劍納履復位宣徽使贊扇合下簾太常博士太常卿引皇帝起樂作至閣樂止舍人引文官四品武官三品已下出門外分班立次引侍從班出次兵部吏部出次金吾出次起居郎舍人出

次殿中監少監押金吾細仗出仍位臣僚後次東西上閣門使於丹墀內鞠躬奏衙內無事捲班出閣門使丹墀內鞠躬揖奉勅放仗出門外文武班中間立喚承受官承受官聲喏至閣使後鞠躬揖閣使鞠躬稱奉勅放仗承受聲喏鞠躬揖平身立引聲奉勅放仗聲絕趨退文武合班再拜舍人一員攝詞令官殿前鞠躬揖稱奉勅放黃麾仗出放金吾仗亦如之翼日文武臣僚入問聖躬

注 太平元年行此儀大略遵唐舊儀又有上契

丹冊儀以阻午可汗柴冊禮合唐禮雜就之又有上漢冊儀與此儀大同小異

與宗重熙元年十一月己卯羣臣上皇帝尊號曰文武仁聖昭孝皇帝

按遼史聖宗本紀云云

重熙十一年十一月丁亥羣臣加上尊號曰聰文聖武英略神功睿哲仁孝皇帝

按遼史與宗本紀云云

重熙二十三年十一月甲申羣臣上皇帝尊號曰欽

天奉道祐世興曆武定文成聖神仁孝皇帝

按遼史與宗本紀云云

道宗清寧二年十一月甲辰文武百僚上尊號曰天

祐皇帝

按遼史道宗本紀云云

咸雍元年春正月辛酉朔文武百僚加上尊號曰聖

文神武全功大略廣智聰仁睿孝天祐皇帝

按遼史道宗本紀云云

天祚帝乾統元年上尊號曰天祚帝

按遼史天祚帝本紀壽隆七年正月甲戌即皇帝位
羣臣上尊號曰天祚皇帝二月壬辰朔改元乾統
乾統三年十一月丙申文武百官加上尊號曰惠文
智武聖孝天祚皇帝
按遼史天祚帝本紀云云